

02 DEC 1997

KETUA IMF BERCAKAP MENGENAI DANA PENYELAMAT

KUALA LUMPUR, 2 Dis (Bernama) -- Tabung Kewangan Antarabangsa (IMF) amat prihatin terhadap pemindahan dana yang besar untuk menyelamatkan negara-negara daripada krisis ekonomi, kata pengarah urusannya Michel Camdessus.

"Negara-negara akan lupa pengawasan serantau. Mereka akan membersihkan wang haram dan membelanjakan wang dan pada waktu yang sama tidak akan menangani masalah-masalah asasnya," beliau memberitahu persidangan akhbar di sini.

Sungguhpun demikian, katanya banyak negara telah berikrar untuk menyokong IMF dalam menyelamatkan negara-negara yang menghadapi kegawatan matawang.

Katanya IMF akan membantu negara-negara yang memerlukan akkraditasi perundangan untuk tindakan menyelamatkan seumpamanya supaya mereka akan "dapat bertindak balas serta-merta tanpa perlu meminta kelulusan Parlimen."

IMF juga akan mengambil pertimbangan pandangan-pandangan yang dikemukakan oleh para pemimpin Asean, khususnya Perdana Menteri Malaysia Datuk Seri Dr Mahathir Mohamad, mengenai bagaimana memerangi masalah matawang Asean, kata Camdessus.

Katanya IMF tidak lama lagi akan memulakan sumbangan yang amat membina kepada penyelesaian satu program untuk menyelamatkan ekonomi-ekonomi yang bermasalah.

Sungguhpun beliau tidak menggariskan cadangan-cadangan Thailand, katanya cadangan itu mungkin diterima pakai untuk program menyelamatkan Korea Selatan.

Katanya IMF sedang merancang satu pakej menyelamatkan untuk Thailand, Indonesia dan Korea Selatan. -- BERNAMA

YY SHY OS